

肯綮集

上中下

全

漢書門			
一	二	三	四
冊	函	號	類

內閣文庫			
三	二	一	漢
函	冊	號	書
九	九	九	類

內閣文庫	
番號	漢 10172
冊數	1 (1)
函號	312 199

312-199



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



追昔遊集目錄



淺草文庫



南梁行 趨翰苑遭誣構四十六韻 憶春

日太液池亭東候對 憶夜直金鑿殿 憶

春日曲江宴後許至芙蓉園 新昌宅書堂

前有藥樹一株今已盈拱則長慶中於翰林

院內西軒藥樹下移得總長一寸僕夫封一

泥丸以歸植今則長成石之天上樹 過荆

門 涉沅瀟 逾嶺嶠止荒陬抵高粟 移

九江泛五湖 過鍾陵 沂西江 早發

舟滌陽深秋憶登城望瑯琊 滌陽春日

懷果園閑宴 悲善才 序并 聞里謠數古歌

轉壽春守太和庚戌歲二月祗命壽陽時

替裴五埔終歿因視壁題自埔而上或除名

枉邊坐殿歿凡七子每一存焉壽人多寇盜

好訐訐時謂之凶郡橫俗特著蒙此處之顧

余衰年甘蹶前患俾三月而寇靜暮歲而人

和虎不暴物姦吏屏竄三載後遭邪佞所惡

授賓客分司東都或舉其目或寄於風亦粗

繼詩人之末云 憶壽春廢虎坑余以春二

月至郡主吏舉所職稱霍山多虎每歲採茶

為患擇肉於人至春常修陷阱數十所勒獵

者採其皮睛余悉除罷之是歲虎不復為害

至余去郡三載 肥河雜舟阻凍祗待勅命

二 別連理樹 序并 虎不食人 序并 發壽陽

并 初出淝口入淮 入淮至盱眙 憶東

湖

追昔遊集目錄卷上

終卷上

追昔遊集卷上

東吳毛晉子晉訂

南梁行

江城鬱々春草長悠悠漢水浮青光雜英飛盡空
畫景綠楊重陰官舍靜此時醉客縱橫書公言可

薦承明廬

元和十四年蒙故山南僕射崔公奏

青

天詔下寵光至頒藉金閨徹石渠是歲五月蒙柳

歸山路煙嵐隔山木幽深脫花折澗底紅光奪火

燃搖風有毒愁行客

賂谷中多毒樹名山琵琶其
花明艷與杜鵑花同樵者識

之言曰早杜鵑啼咽花亦殷聲悲絕艷連空山斜
花殺人 陽瞥映淺深樹雲雨翻迷岵谷間山雞錦質矜毛
羽透竹穿蘿命儔侶喬木幽谿上下同雄雌不惑
飛棲處望秦峰迴過商顏浪疊雲堆萬簇山行盡
杳冥青嶂外九重鍾漏紫霄間元和列侍明光殿
諫草初焚市朝變北闕趨臣半隙塵南梁笑客皆
飛霞追思感歎却昏迷霜鬢愁吟到曉難故舊歲
深開斷簡秋堂月曙掩遺題鳴刁曉角霞輝粲撫
矧當膺一長歎窮徇無由學聖賢空持感激終昏

旦旦

趨翰苑遭誣構四十六韻

九五當乾德三千應瑞符纂堯昌聖曆宗禹盛丕
圖月登位正畫象垂新今消兵務舊謨選賢方去智
招諫忽升愚遺與淮南李公召入翰林也大樂調
元氣神功運化鑪脫鱗超沆瀣翻翼集蓬壺捧日
恩光別抽毫顧問殊鳳形憐秋筆龍領借驪珠擲
地聲名寡摩天羽翮孤潔身酬雨露利口扇譏諛
碧海同宸眷鴻毛比賤軀辨疑分黑白舉直懲朋

徒思政面論逢吉崔楨苾邪劉栖楚庭獸方呈角

階奠始効享日傾烏掩魄星落斗推樞後京選墜劍

悲喬岳號弓泣鼎湖亂群逢害馬擇肉縱狂驅逢

等連為博噬之徒又新膽為隳肝竭心因歷血枯滿

帆摧駭浪征棹折危途貶以戶部待郎燕客書方

詐堯門信未孚敬宗即位之初遭逢吉等謗興金

就鑠毀極玉生瘡礪吻矜先博張羅聘疾驅逢吉

日宣命於月華門外鼠地一嫌稀烟烟海恨止番

禹怒所楚等見逢吉璋嶺衝蛇入蒸池躡虺翹望天

叔雪涕看鏡攬霜鬚草毒人驚剪第荒室未誅火

風晴處扇山鬼雨中呼竊老鄉關遠哥愁骨肉無

鵲靈窺牖戶龜瑞出泥途余到端州有紅龜一州

里人言吉徵也余放之于江中回頭者三四游泳

前後不去久之又南中小鵲名曰蜚鵲形小如燕

崔里中言此鳥不常見至而鳥舞煙島深千瘴滄

必有喜應是日與鼈同至於館也

波淼四隅海標傳信使江棹認妻孥到接三冬暮

來經六月祖暗灘朝不怒驚瀨夜無虞從吉州而

並足湍瀨危險至極其名有滅門擣碎霸州等灘

惟江水泛漲則每此患康州悅城縣有媪龍祠或

能致雲雨余以書祝之家累以十倪首安羸業齊

月沂流龍為之三漲江水以達也

眉慰病夫涸魚雨潤僵燕望雷蕪詔下因頌朔思

恩移詎省辜

余以宝曆元年五月量移江州長史

詎天猶指鹿依社

尚憑狐

逢吉尚相

度嶺瞻牛斗浮江淬轆轤未平人

睚眦誰懼鬼椰榆盆浦潮通楚匡山地接吳庾樓

清桂滿遠寺素蓮敷髻髻皆停馬悲歡盡隙駒舊

交封宿草

沉八侍高武十五侍節元九口口

衰髻

重生解萬戟分梁苑雙旌寄魯儒駸々移歲月冉

冉迤柔榆疲馬愁千里孤鴻念五湖終當賦歸去

那更學楊朱

憶春日太液池亭東候對長慶三年

宮鶯報曉瑞煙闌三島靈禽拂水迴橋轉彩虹當

綺殿艦浮花鷁近蓬萊草承香輦王孫長桃艷仙

顏阿母裁簪筆此時方侍從却思金馬笑鄰枚

憶夜直金鑿殿承旨二年

月當銀漢玉繩低深聽簫韶碧落齊門壓紫垣高

綺樹閣連青瑣近丹梯墨宣外渥催飛詔草布深

恩促換題明日獨歸花路遠可憐人世隔雲霓

憶春日曲江宴後許至芙蓉園

春風上苑開桃李詔許看花入御園香徑草中迴
玉勒鳳皇池畔泛金樽綠竿垂柳遮風暗紅藥低
叢拂砌繁歸繞曲江煙景晚未央明月鎖千門

新昌宅書堂前有藥樹一株今已盈拱則長
慶中於翰林院內西軒菜樹下移得纔長一
寸僕夫封一泥丸以歸植今則長成名之天
上樹

白榆星底開紅甲珠樹宮中長紫霄^丹彩結心纒
辨質碧枝抽葉乍成條羽衣道士偷玄圃金簡真
人護玉苗長帶九天餘雨露近來葱翠欲成喬

過荆門

荆江水濶煙波轉荆門路遠山葱蒨帆勢侵雲滅
又明山程背日昏還見青々交隴啼飛鴉寂寞野
徑堂梨花行々驅馬萬里遠漸入煙嵐危棧賒林
中有鳥飛出谷月上千巖一聲哭腸斷思歸不可
聞人言恨魄來巴蜀我聽此鳥祝我魂々死勿學
聲銜宛縱爲羽族莫棲息直上青雲呼帝關此時
山月如銜鏡岳樹參差五輝映皎潔深看入澗泉

分明細見樵人徑
陰森廟當郵亭雞豚日宰聞
腫腥愚夫揣福自迷惑
魍魎憑何通百买月依山
曉聞行客已醉椒漿并荒陌
惆悵忠貞徒自持誰
祭山頭望夫石

涉沅瀟

屈原死處瀟湘陰
滄浪森々雲沉々蛟龍長怒虎
長瀟山木偃々波浪深
烟橫日落驚鴻起山映餘
霞森々千里鴻叫離々入暮天
霞消漠々深雲水々
靈江暗揚波濤蠢蠢動盪風騷々
行人愁望待明

月星漢沉浮
飛鬼號屈原爾為懷忠沒水府通天
化靈物何不驅雷擊電除奸邪可憐空作沉泉骨
舉杯瀝酒招爾魂
月彩滉漾開乾坤波明水黑山
隱見汨羅之上遙昏々風帆候曉看五兩戍鼓
蕭蕭遠山響潮滿江津猿鳥啼荆夫楚語飛
蛩漿滿湘島浦
每人居風驚水暗惟蛟魚行來擊掉獨長
歎問爾精魄何所如

逾嶺嶠止荒陬抵高要

天將南北分寒暖
北被羔裘南卉服
寒氣凝為戎

虜騎炎蒸結作蟲虺毒周王止化惟荆蛮漢武鑿

遠通孱顏南標銅柱限荒徼五嶺從茲窮險艱衝

山截斷炎方北迴雁峰南瘴煙黑萬壑奔佛溢作

瀧湍飛浪激如繩直南人謂水為瀧如原瀑流自

龍難附等瀧皆急險不可北南中輕舟迅疾千崖

可入此水者因名之瀧船善游者為龍夫

傍聳猿嘯悲丹蛇玄虺潛蛟蛇龍夫擬攔劈高浪

瞥忽浮沉如電隨嶺頭刺竹蒙籠密火折紅蕉焰

燒日嶺上泉分南北流行人照水愁腸骨陰森石

路盤縈紆雨寒日煖常斯須瘴雲暫卷火山外蒼

茫海氣窮番禺鷓鴣猿鳥聲相續推髻曉呼同戚

促百處雞灘異雨晴四時雷電迷昏旭魚腸雁足

望緘封地遠三江嶺萬重魚躍豈通清遂峽雁飛

難渡漳江東余在南中知家累以其年九月九

知適衡陽迴雁峯江樹送秋黃葉少海天迴遠碧

雲重音書斷達聽蠻鵲風水多虞祝媪龍想見病

身渾不識自磨青鏡照衰容慨然追感以疏其下

又端州界有清遠峽深險莫測皆言水府為魚龍

世之恨雲蒸地熱每霜霰桃李冬華匪時變天際長

垂飲澗虹簷前不去銜泥燕南中虹四時長見之

蛭燕泥多沙人懼其沾幸逢雷雨盪妖昏提挈悲

汚于人每逐其巢也

歡出海門西日眼明看少長北風身醒辨寒溫賈
生謫去因前席痛哭書成竟何益物忌忠良表是
悲朝驅絳灌為讎敵明皇聖德異文皇不使無辜
困鬼方漢日傳臣終委弃如今衰叟重輝光高明
白日恩深海齒髮雖殘壯心在空颯駑駘異一毛
無令朽骨慙千載

移九江

江效何水部余自九
及今周一紀矣

秋波入白水帆去侵空小五兩劇奔星播烏疾飛
烏盆城依落日盆浦看雲渺雲耶更蒼々匡山低

看畏曉催聞道數年深草露幾株猶得近池臺

悲善才

余守郡日有客遊者善彈琵琶問其所傳
乃善才所授頃在內庭日別承恩顧賜宴
曲江勅善才等二十人備樂自余經播遷
善才已矣因追感前事為悲善才此一篇
在郡日所為今編於新錄

穆皇夜幸蓬池曲金鑿殿開高秉燭東頭茅子曹
善才琵琶請進新翻曲翠蛾列坐層城女笙笛參

差齊笑語天顏靜聽朱絲彈衆樂寂然無敢舉銜
花金鳳當承撥轉腕籠絃促揮抹花翻鳳嘯天上
來徘徊滿殿飛香雪抽絃度曲新聲發金鈴玉珮
相磋切流鶯子母飛上林仙鶴雌雄唳明月此時
奉詔侍金鑿別殿承恩許召彈三月曲江春草綠
九霄天樂下雲端紫髯供奉前屈膝盡彈妙曲當
春日塞泉注射隴水閑胡雁翻飛向天沒日曛塵
暗車馬散爲惜新聲有餘歎明年冠劍閉橋山萬
里孤臣投海畔離琴鍛羽強迴飛白首生從五嶺

龍沙江尾抱鍾陵水郭村橋晚景澄江對楚山千
里月郭連漁浦萬家燈省拋雙旆辭榮罷遽落丹
霄起愛憎惆悵旧遊同草露却思恩顧一沾膺

沂西江

江風不定半晴陰愁對花時盡日吟孤棹自遲從
蹭蹬亂帆爭疾競浮沉一身累困懷千載百口無
虞貴萬金空澗遠看波浪息楚山安穩過雲岑

早發

沙洲月落宿禽驚湖起風微曉霧生黃鶴浪明知

上信黑龍山暗避前程火旗似舞吳門戍水驛遙
迷楚塞城蕭索更看江葉下雨鄉俱是宦遊情

守滌陽深秋憶登城望瑯琊

山城小閣臨青嶂紅樹蓮宮接薜蘿斜日半巖開
古殿跼煙浮水掩輕波菊迎秋節西風急雁引砧
聲北思多深夜獨吟還不寐坐看凝露滿庭莎

滌陽春日懷果園閑宴

園中雜樹
多手植也

西園到日栽桃李紅白低枝拂酒杯繁艷只愁風
處落醉筵多就月中開勸人莫折憐芳早把燭頻

夕陽楚客喜風水秦人悲異鄉異鄉秋思苦江皋

月華吐漾々隱波亭悠々通月浦津橋歸候吏竹

巷開門戶容膝有匡牀及肩總數堵口口非白駒

縣磬我無虞體瘦寡行立家肥安啜哺天書憐謫

謫重作朱轡客四座眼全青一麾頭半白今來思

往事往事益悽然風月同今昔悲歡異目前四時

嗟閱水一紀換流年獨有西庭鶴孤鳴白露天

泛五湖

效謝惠連

范子蛭冠屨扁舟逸霄漢嗟予抱險艱休慚驚瀾

漫窮通泛濫勞趣適殊昏旦浴日盪層空浮天森
無畔依灘落葉聚立浦驚鴻散浪疊雪峰連山孤
翠崖斷風帆同巨壑雲矗成高岫宇宙可東西星
辰沉粲爛霞生頰洞遠月吐青燐亂豈後問津迷
休為呂梁歎漂沉自詎保覆溺心長判吳越郡異
鄉嬰童及為翫依稀占井邑嘹唳同鵝鶴舉棹未
霄分維舟方日旰徵斯濟川方若鼓凌風翰揚抑
當悔游臨深岡知難

過鍾陵

余長慶三年除江西
觀察使奉詔不之任

歸聞道善才成朽骨空餘弟子奉音徽南嶽寂寞
三春晚有客彈絃獨淒然靜口口口口口光憶昔
初聞曲江宴心悲不覺淚闌干更為調絃反覆彈
秋吹動搖神女佩月珠敲擊水晶盤自憐淮海同
泥滓恨魄凝心未能死惆悵追懷萬事空雍門琴
感徒為爾

聞里謠數古歌

聞數英華
作問效

鄉里兒桑麻薺之禾黍肥冬有襤襦夏有絺兄鋤
茅糲妻在機夜犬不吠開蓬扉鄉里兒醉還飽濁

醪初熟勸翁媪鳴鳩拂羽知年好齊和楊花踏春
草勸年少樂耕桑使君為我剪荆棘使君為我驅
豺狼林中無虎山有鹿水底無蛟魚有魴父漁子
獵日歸暮月明處々春黃梁鄉里兒東家父老為
爾言鼓腹那知生育恩莫令太守馳朱轡懸鼓一
鳴盧鵲喧惡聲主吏噪爾心唧々力々烹雞豚鄉
里兒莫悲比上有明主王頒詔下重選賢良恤孤寡
春日遲々驅五馬留情投錢以為謝鄉里兒終爾
詞我無工巧唯無私舉手一揮臨路岐

轉壽春守太和庚戌歲二月抵命壽陽時替
裴五埔終歿因視壁題自埔而上或除名在
邊坐殿歿凡七子無一存焉壽人多寇盜奸
詐詐時謂之凶郡獷俗特著蒙此處之顧余
衰年耳躡前患俾三月而冠靜暮歲而人和
虎不暴物芟吏屏竄三載後遭邪佞所惡授
賓客分司東都或舉其目或寄於風亦粗繼
詩人之末云

未登崖谷尋丹竈且歷軒牕看壁題那遇八公生

羽翼空悲七子委塵泥舊壇無彼翔雲鶴廢壘曾
經振鼓鼙點檢遺編盡朝茵應難求望一刀圭

憶壽春廢虎坑余以春二月至郡主吏舉所

職稱霍山多虎每歲採茶為患擇因於人至

春常修陷阱數十所勒獵者採其皮睛余悉

除罷之是歲虎不復為害至余去郡三載

匪將履尾求兢惕那效探雛所患爭當路絕群嘗

誠暴為猫驅獮亦先迎每推至化宣余力豈用潛

機害爾生休逐豺狼止貪戾好為仁獸答落皇明

壽陽郡罷日有詩十首與追懷不殊今編於

後兼紀瑞物

肥河維舟阻凍祗待勅命太和七年十二月

罷分符竹作閑官舟凍肥河擬棹難食藜苦心耳

處困飲水持操敢辭寒夜燈空應漁家火朝食還

依鴈宿灘西奏五誠遙稽首乞容歸病老江干

又

淮陽效理空多病疎受辭榮豈戀班陳力不任趨

北闕有家無處寄東山疲駿豈念前程稅倦鳥安

能待暮還珍重八公山下叟不勞重淚更追攀

別連理樹

盛唐縣有連理二株一株生於長樂鄉百姓地內從底兩枝向上為一體一本生於龍泉鄉百姓徐德地內兩根隔澗水交榦合為一體澗名香風水澗一丈五尺

垂陰敢慕甘棠葉附榦將呈瑞木符十步蘭茶同
秀彩萬年枝葉表皇圖芟夷不及知無患雨露曾
沾自不朽好住孤根託桃李莫令從此混樵蕪

追昔遊集目錄

卷中

七年初到洛陽寓居宣教里時已春暮而四
老俱在洛中分司 初秋忽奉詔除浙東觀
察使檢校右貂 憶至鞏縣河宿待家累追
懷 宿揚州 憶被牛相留醉州中時無他
賓牛公夜出真珠輩數人 早渡揚子江
憶過潤州 序并 憶登棲霞寺峰 憶萬歲樓

望金山 序并

上家山 序并

憶東郭居

憶題

惠山寺書堂 憶西湖双鵝 早梅橋

翡翠塢 憶放鶴序并 過吳門二十四韻

杭州天竺吳隱二寺頃歲亦布衣一遊及赴

鎮會稽不敢以登臨自適竟不俄到寺之多

猿獮謂之孫圃彌長其類因追思為詩首二

渡西十六韻序并 新樓 海榴亭 望梅亭

杜鵑樓序并 滿桂樓序并 東武亭序并 龍宮

寺序并 禹廟 晏安寺序并 龜山序并 重臺臺

蓮 梧園 寒林寺序并 北樓櫻桃花 城

意重病夫拋郡喜身輕人心莫厭如絃直淮水長

憐似鏡清回首夕嵐山翠遠楚郊烟樹隱襄城

入淮至盱眙

山凝翠黛孤峰迴淮起銀花五兩高天外綺霞迷

海鶴日邊紅樹艷仙桃岸驚目眩同奔馬浦溢心

疑觀并 村鼇寄謝雲帆疾飛鳥莫誇迴鴈卷輕毛

憶東湖

菱歌罷唱鷁舟迴雪鷺銀鷗左右來霞散浦邊雲

錦截月臨湖面鏡波開魚驚翠羽金鱗躍蓮脫紅

衣紫蒟摧淮口值春偏悵望數株臨水是寒梅

追昔遊集卷上終

虎不食人

霍山縣多猛獸頃常擇肉於人每至採茶
及樵蕪常遭啖食人不堪命自太和四年
至六年遂無侵暴雞犬不鳴深山窮谷夜
行不止得擾令和僕狀稱潛行縣鄉村正
趙珍夜歸中路與虎同行至家竟無傷害
之意

南山白額同馴擾亦變仁心去殺機不競牛年令
買患免遭批假妄憑威渡河豈適他邦害據谷終

無暴物非爾效騶虞護生草豈徒柔伏在淮淝

發壽陽

分司勅到又遇新正感懷書事七年正月八日立春

凡在壽陽四年

休為建隼臨淝守轉作垂絲入洛人罷関回林三
載籍又開新曆四年春雲遮北鴈愁行客柳起東
風慰病身漸喜雪霜消解盡得隨風水到天津

初出淝口入淮

東風百里雪初晴淝口水開好濯纓
老擁途知

上蕃薇 南庭竹 琪樹并 海棠梨 水

寺 靈汜橋 若耶溪 登禹廟回降雪五

言二十韻并 題法華寺五言二十韻并

追昔遊集目錄

卷中
終

追昔遊集卷中

七年初到洛陽寓居宣教里時已春暮而四

老俱在洛中分司

青莎滿地無三徑白髮綠頭忝四人官職謬齊商
嶺客姓名那重漢廷臣聖朝寡罪容衰齒愚叟多
慙未退身惟有門人憐鈍拙勸教沉醉洛陽春

初秋忽奉詔除浙東觀察使檢校右貂

龍接寄引簪裾客鳳闕陪趨朔望朝踈受杜門期
脫屣買臣歸邸忽乘輅印封龜紐知頒爵冠飾蟬

綏更珥貂飛詔寵榮歡里舍豈徒斑白與垂髫

憶至鞏縣河宿待家累追懷

鞏樹翻紅秋日斜水分伊洛照餘霞弓開後騎低
初月鶚駐前旌拂暮鴉聞信坐逢青玉按弄兒閑
望白羊車今未憶事涼風晚烟浦空悲黃菊花

宿揚州

江橫渡澗烟波晚潮過金陵落葉扶嘹唳塞鴻經
楚澤淺深紅樹見揚州夜橋燈火連星漢水郭帆
檣近斗牛今日市朝風俗變不須開口問迷樓

憶被牛相留醉州中時無他賓牛公夜出真

珠輦數人

余有換樂曲詞時
小有傳於歌者

嚴城画角三聲閉清宴金樽一夕同銀燭坐隅聽
子夜寶箏筵上起春風酒微旧對慙衰質曲換新
詞感上官淮海一從雲雨散杳然俱是夢魂中

早渡揚子江

時王璠
在浙西

日衝海浪翻銀屋江轉秋波走雪山青嶂迥開蹲
虎戍碧流潛伏躍龍關地分吳楚星辰内水迫滄
溟宇宙間焚却戍船每戰伐使知風教被烏蛮

憶遇潤州

元和二年余以前進士爲鎮海軍書奏從事秋九月兵亂余以不從書奏飛檄之請遭庶人李錡暴怒腰領不殊者再三後軍平尚書李公欲具事以聞之余以本乃誓節非欲求榮請罷所奏

昔年從宦于戈地黃綬青春一魯儒弓犯控弦招武旅劍當抽匣問狂夫帛書投筆封魚腹玄髮衝冠持虎鬚談笑謝金何所媿不爲偷買用兵符

憶登棲霞寺峰

效梁簡文

杳印烟火息法堂鐘磬餘紗燈耿晨焰釋子安禪居林葉脫紅影竹烟含綺疎星珠錯落耀月宇參差虛顧眺匪恣適曠襟懷卷舒江海森清盪五陵何所如滔々可問津耕者非長沮茅嶺感仙客蕭園成古墟移步下碧峰涉澗更躊躇烏戲咏秋果翠鷺銜素魚迴塘彩鷁來落景標林菴漾々棹翻月蕭風襲袿勞歌起舊思戚歎竟難據却數共遊者凋落非里閭

憶萬歲樓望金山

里言金山有龍盤護吳志云金陵虎踞又
云萬歲樓往年清夜浮於江中有宿樓者
覺之金鏢縻於城上

樓高雉堞千師壘峰拔驚波萬壑攢山絕地維消
虎踞水浮天險尚龍盤蜃嘘雲拱飛江島鼉噴仙
巖隔海瀾長對碧波臨古渡幾經風月與悲歡

過梅里 家於無錫四十載今啟廬數堵
猶存今列題於後

上家山山即惠山

余頃居梅里常於惠山肄業旧室猶在垂
白重遊追感多思因效吳均体

上家山家山依舊好昔去松桂長今來容鬢老上
家山臨古道高低入雲樹蕪沒連天草色綠萋
萋寒蛩徧草啼噪鴉啼樹遠行雁帖雲齊岳光翻
落日僧火開經室竹洞磬聲長松樓鐘韻疾苔階
泉溜欹石枕青莎密舊徑行處迷前交坐中失歡
息整華冠持杯強自歡笑歌憐稚孺絃竹縱吹彈

山明淡月上酒滿心聊放卅髮此淹留無絲匪閑
曠青山不可上昔事還惆悵沉後白頭人追懷空
望

憶東郭居 效丘遲

昔余過稚齒從師昧知奧徒懷利物心不獲歲身
室曳婁一縫掖出處勞昏早醒醉迷啜哺衣裳辨
顛倒忠誠貫白直已憑蒼昊卷舌墮謏說驚波日
息行潦衰禽識舊木疲馬知歸道楊柳長_庭柯蘭
荃覆塔草旌旌光里舍駢眼歡妻嫂綠鬢絕新知
蒼鬚稀旧老冠綫身黍貴齋沐心常禱笙磬諒諧
和庭除還灑掃栖遲還竹巷物役侵江島倏忽變
星霜悲傷滿衷抱

憶題惠山寺書堂

故山一別光陰改秋露清風歲月多松下壯心年
少去池邊衰影老人過白雲生滅依巖岫青桂榮
枯託薜蘿惟有此身長是客又驅旌旆寄烟波

憶西湖雙鷓鴣 效鮑明遠

雙鷓鴣錦毛爛班長比翼戲繞蓮蘩迴錦臆照灼

花叢兩相得漁歌驚起飛南北繚繞追隨不迷惑
雲間上下同棲息不作驚禽遠相憶東家少婦機
中語剪斷迴文泣機杼徒嗟孔雀銜毛羽一去東
南別離苦五里徘徊竟何補

早梅橋

早梅花滿枝發東風報春之未徹紫萼迎風玉珠
裂楊柳未黃鶯結舌委素飄香照新月橋邊一樹
傷離別遊蕩行人莫攀折不競江南豔陽節任落
東風伴春雪

翡翠塢

翡翠飛之繞蓮塢一啄嘉魚一鳴舞蓮莖觸散蓮
葉散露滴珠光似還浦虞人掠水輕浮弋翡翠驚
飛之不息直上層空翠影高還向雲間双比翼彈
射莫及弋不得日暮虞人空歎息

憶放鶴

頃年無錫閑居里人獻鶴雛余則羶之周
歲羽毛既成見其宛頸長鳴有煙霄之志
開籠放之一舉冲天俟迴翔久之乃去

羽毛似雪無瑕點顧影秋池舞白雲閑整素儀三
島近迴飄清疾九霄聞好風順拳應摩日逸翮將
成莫戀郡凌劬坐看空碧外更憐鳥鷺老江濱

過吳門二十四韻

煙水吳都郭閭門架碧流綠楊深淺巷青翰往來
舟朱戶千家室丹楹百處樓水光搖極浦草色辨
長洲憶作麻衣翠曾為旅棹遊放歌隨楚老清宴
奉諸侯貞元中余以布衣多遊吳郡中韋菱卿首
為知遇常陪宴席段平仲李季何劉從周
秦毋咸十餘輩日同杯酒及余以太和七年領鎮
會稽則當時賓客郡吏樂徒寺僧里客每一人存

子者至于韋公花寺聽鶯入春湖看雁留里吟傳綺

唱鄉語認飲謳橋轉攢虹飲波通鬪鷁浮竹扉梅

圃靜水巷橋園幽縫堵荒麋苑穿巖破虎立舊風

猶越鼓餘俗尚吳鈞故館曾閑訪遺基亦徧搜吹

臺山木盡香徑佛宮秋帳殿菰蒲掩雲房露霧收

葶蘿妖覆滅荆棘鬼包羞風月俄黃綬經過半白

頭元和七年余以校書郎從役再至蕪州時范十
五傳正為郡而貞元中賓客散落半已雍謝及

宴而伶人酒徒住日者重來冠蓋客非後別離愁

問僧惟令余二人已疾相識知與不知索然皆盡河柳衰謝邑居更焉乃

甚令感候火分通陌前旌駐外郵水風搖絲旆提
之歎也
柳引鳴騶問吏兒孫隔呼名禮敬修顧瞻殊宿昔
語默過悲憂義感心空在容衰日易偷還持滄海
詔從此布皇猷

杭州天竺吳隱二寺頃歲亦布衣一遊及赴
鎮會稽不敢以登臨自適竟不復到寺多
猿猱謂之孫圓弥長其類恩追思為詩二首

此寺
殿富

翠巖幽谷高低寺十里松風碧嶂連開盡春花芳

草澗徧通秋水月明泉石文照日分霞壁竹影侵
雲拂暮煙時有猿猱擾鍾磬老僧無後得安禪
人煙不隔江城近水石雖清海氣深波動只觀羅
刹相靜居難識梵王心魚扁畫鑠龍宮室雁塔高
磨欲界金近日尤聞重雕飾世人遙禮二檀林

渡西十六韻

七年冬十有三日早渡浙江寒雨方霖軍
吏悉在江次越人舛穀未成霖雨不止田
畝浸溢水不及穗者數寸余至驛命押衙

裴行宗先齊祝辭東望拜大禹廟且以百
姓請命雨収雲息日朗者三旬有五日刈
獲皆畢有以見神之不欺也

雨送奔濤遠風収駭浪平截流張旆影分岸走鼙
聲獸逐銜波湧龜鱗噴掉輕海門凝霧暗江渚濕
雲橫雁翼看舟子魚鱗辨水營騎交遮戍合戈簇
擁沙明謬履千夫長將詢百吏情下車占黍稷冬
雨害染盛望禱依前聖垂休冀厚生半江猶慘澹
全豔已澄清愛景三晨朗祥農萬度盈浦程通曲

嶼海色媚重城弓日韃橐動旗風虎豹爭及郊揮
白羽入里卷紅旗愷悌思陳力端莊冀表誠臨人
與安俗非止奉師貞

新樓詩二十首

到越州日初引家累登新樓望鏡湖見元
相微之題壁詩云我是玉京天上客謫居
猶得小蓬萊四面尋常對屏障一家終日
在樓臺微之與樂天此詩時只隔江津日有
酬和相答時余移官九江各乖音問頃在

越之日在苒多故未能書壁今追思為新

樓詩二十首

新樓

戎容罷引旌旗卷朱戶褰開雉堞高山聳翠微連
郡閣地臨滄海接灵鼈坐疑許宅驅雞大笑類樊
妻化羽毛惆悵桂枝零落促莫思方朔種仙桃

海榴亭

在新樓北花開最早所望更高

海榴亭早開繁榮光照晴霞破碧煙高迥紫霄疑
蕊萼迴依江月半蟬娟懷芳不作翻風艷引萼猶

含泣露妍搖落舊叢雲水隔不堪行坐數流年

望梅亭

在卧龍山頂上越中最高處

烏盈兔缺天涯迴鶴背松稍拂檻低湖鏡坐隔看
匣滿海濤生處辨雲齊夕嵐明滅江帆小煙樹蒼
茫客思迷蕭索感心俱是夢九天應共草萋々

杜鵑樓

七年冬所造自西軒延架城隅樓前植其杜
鵑因以為名口口多在其上

杜鵑如火千房折丹檻低看晚景中繁艷向人啼

宿露落英飄砌怨春風早梅肯待佳人折好月誰
將老子同惟有此花隨越鳥一聲啼處滿山紅

滿桂樓

八年春造架州城西南臨眺於外盡見湖
山別開水扉通杜鵑樓不啟重扇清夜可
以閑宴因以滿桂為名也

為憐湖水通宵望不學樊楊却月樓惟待素規澄
滿鏡莫看織魄挂如鉤卷簾方款侵紅燭繞竹斜
暉透碧流蕭瑟曉風聞木落此時何異洞庭秋

東武亭

亭在鏡湖上即元相所建亭至宏敞春秋
為競渡大設會之所余為增以板檻延入
湖中足加步席以列環會

綠波春水湖光滿丹檻連楹碧嶂遙蘭鷁對飛漁
棹秋虹翻影海旗搖鬪疑斑虎歸三島散作遊
龍上九霄鼉鼓若雷爭勝負柳堤花岸萬人招

龍宮寺

此寺摧毀積歲貞元十六年余為布衣東

海天台故人江西觀察使崔公以殿中謫
官移疾剡溪崔公坐中有僧人口口自言
居龍宮寺起謂余言異日為修此寺時以
狂痴之言不之應僧相視久之而退至元
和二年余以前進士為故薛韋常侍招至
越中此僧以卧疾使門人相告曩日所言
必當鎮此修寺之託幸不見忘僧又偶言
寺中吳樾所相告耳余問疾而已不能對
及後符其言而訊其存沒則僧及門人悉

已殂謝寺更頽毀惟荒基餘像而已因召
僧人會真余出俸錢為葺之累月而畢以
成其往願

銀地溪邊遇衲師
笑將花寺宇指潛知定觀玄
度生前事不道
吳山別後期
真相有無因
色界化城真
滅在蓮基
好令滄海龍宮子
長護金人旧浴池

禹廟

削平水土窟滄海
畚鍤東南盡會稽
山擁翠屏朝玉帛
穴通金闕架雲霓
文鏤石葢青壁
室檢封

雲化紫泥清廟萬年長
血食始知明德與天齊

晏安寺

寺在州城東北隅越中謂之小北却

寺深松桂無塵事地接荒郊帶夕陽
啼鳥歇時山寂々野花殘處月蒼々
絳紗凝焰開金像清梵消聲閉竹房
丘壠漸平連茂草九原何處不心傷

龜山

在鏡湖中山形如龜山上有寺名永晏安則

元相所移置者

一峰凝黛當明鏡十仞喬松倚翠屏
秋月滿時侵瓦魄素波搖處動龜形
旧深崖谷蔽仙島新結樓臺起佛扃
不學大蛟憑水怪等閑雷雨害生灵

重臺蓮

綠荷舒卷涼風曉紅萼開榮紫萼重
游女漢臯爭笑臉二妃湘浦並愁容
自含秋露負恣結不競春妖冶態穠
終恐玉京仙子識却將歸種碧池峰

橘園

江城霧歛輕霜早園橘千株欲變金
朱實摘時天

路近素英飄處海雲深懼同枳棘愁遷徙遷徙每抱馨
香委照臨憐爾結根能自保不隨寒暑換真心

寒林寺

寺在城郭最囂煩處自有一峰巖壑皆入

寺中

最深城郭在人煙疑借壺壺中到梵天巖樹桂花開
月殿石樓風鐸繞金仙地無塵染多灵草至鑒真
空有定泉應是法宮傳覺路使無煩惱見青蓮

北樓櫻桃花

開花占得春光早雪綴雲裝萬萼輕凝艷柳時初
照日落英頻處乍聞鶯舞空柔弱看無力帶月葱
籠似有情多事東風入閨闈盡飄芳思委江城

城上薔薇

薔薇繁艷滿城陰爛熳開紅次第深新藥度香翻
宿蝶密房飄影戲晨禽竇閨織婦慙詩句南國佳
人怨錦衾風月寂寥思往事暮春空賦白頭吟

南庭竹

東南舊羨凌霜操五月凝陰入坐寒煙惹翠梢含

玉露粉開春籜聳琅玕莫令戲馬童兒見試引為
龍道士看知兩結根香實在鳳皇終擬下雲端

琪樹

琪樹垂條如弱柳結子如碧珠三年子可
一熟每歲生者相續一年綠二年碧三年
者紅綴於條上堆錯相間

石橋峰上栖玄鶴碧闕巖邊蔭羽人冰葉萬條垂
碧實玉珠千日保青春口口口口口口口口口口
口口口口長向月中清泣露不為枯老化龍鱗

海棠梨

海邊佳樹生奇款知是仙山取得栽瓊蕊藉中聞
閨苑紫芝圖上見堯蓬萊淺深芳萼通霄換委積紅
英報曉開寄語春園百花道莫爭顏色泛金杯

水寺

煙波野寺經過處水國蒼茫夢想中雲散浦開江
月迴日曛洲渚海潮通坐看魚鳥沉浮遠靜見樓
臺上下同聞道化城方便諭只應從此到龍宮

靈汜橋

靈汜橋邊多感傷
分明湖汎繞迴塘
岸花前後聞幽鳥
湖月高低怨綠楊
能促歲陰惟白髮
巧乘風馬是春光
何須化鶴歸華表
却教凋零念越鄉
若耶溪

西施採蓮歌治鑄劍所

嵐光花影繞山陰
山轉花稀到碧潯
傾國羞人妖絕遠
鑿山長冶鑄鑑深
凌波莫惜臨妝面
瑩鏘當期出匣心
應是蛟龍長不去
若耶秋水尚沉沉

登禹廟回降雪五言二十韻

此詩一首在越所作今編入卷內大和八年十月冬暄無雪自訪禹廟所禱其日迴舟至湖半陰雲四合飛霰大降者三日積雪盈尺浙江中流乃分陰雪杭州並無所沾

金奏雲壇畢同雲拂雪來
玉田千畝合瓊室
萬家開湖暗冰封鏡山
明樹變梅裂繒分井陌
連壁混樓臺
麻引詩人興鹽牽謝女才
細疑歌響盡旋作舞腰迴
著水鵝毛失鋪松鶴羽摧
半崖雲掩映當

砌月徘徊遇物纖能狀隨方巧若裁玉花全綴萼
珠蚌盡呈胎志士書頻照蛟人杼正催妬粧凌粉
匣欺酒上瓊杯海使迷奔轍江濤認暗雷疾飄風
作馭輕集霰爲媒劍客休矜利農師正念推瑞藪
知有感冥貺表無災堯歷占新慶虞階想舊階粉
凝鸞閣下銀結鳳池隈雞樹花驚笑龍池絮欲猜
勞歌會稽守遙祝永康茂

題法華寺五言二十韻

此一首亦在越所作寺內冥異隨注其下

以越人題詩者前後皆不備言今編于追
昔遊卷中寺內瘳禪師草廬持經感普賢
見於前

花界無生地慈宮有相天化城騰宝像留影闕金
仙寺內持經僧前賢見此身於殿湧金身塔池開半月泉

十峰排碧落双澗合清漣寺前後有十峯迴藥草

經行編香燈次茅燃戒珠高臘護心印祖僧傳此

僧律嚴肅持瓶識先羅漢衣存舊福田寺內有約

梁朝宮人幻身觀火宅昏眼照青蓮住覺超真境

所製袈裟

依遊渡法船化城珠百億
吳跡冠三千蕭壁將沉
敷梁薪尚綴烟寺前昭明太子
又在真也塵知有教
劫燼豈無年龍噴疑通海
鯨吞想涌川寺內有梁
朝銅龍吐
泉銅鯨飲水以注諸院磬疎聞塔梵鐘息
見安禪指喻三車
覺開迷五陰纏教通方便
入心達是非詮貝葉千
花藏檀林萬宝篇坐嚴獅子
迅幢飾網珠懸極樂
知無礙分明應有緣還將
意功德留偈法王前

追昔遊集卷中終

追昔遊集目錄

卷下

宿越州天王寺序并 却渡西陵別越中父老
却到浙西序并 蕪州不住遙望武丘報恩
兩寺 迴望館娃故宮 姑蕪臺雜句序并
開元寺序并 臯橋 真娘墓序并 却到無錫
望芙蓉湖 重到惠山序并 鑿玄影堂 別
石泉序并 別雙溫樹序并 重別西湖序并 昆
陵東山序并 建元寺序并 却到金陵登北固

亭 望鶴林寺序并 宿瓜州 入揚州郭序并

宿揚州館 州中小飲便別牛相 却過

淮陰吊韓信廟 却入泗口 重入洛陽

東門 并三川守序并 慶雲見序并 靈蛇

見少林寺序并 拜宣武軍節度使序并 到宣武

三十韻序并

追昔遊集目錄卷下 終

追昔遊集卷下

宿越州天王寺

大和八年自浙東觀察使又除太子賓客
分司東都始發州郭越人父老男女數萬
攜壺觴至江津相送

海隅布政慙春月江上沾巾媿萬人休按簿書懲
黠吏未齊風俗昧良臣壺冰自潔中無玷鏡水非
來下見鱗清夜佛宮觀色相却歸前老更前身
却渡西陵別越中父老

海潮稅上江風急津吏篙師語默齊傾手奉觴看
故老擁流爭拜見孩提慙非杜母臨襄岷自鄙朱
翁別會暫漸舉雲帆煙水潤杳然鳧雁各東西
却到浙西

出杭州界入蘓州八年浙西六郡災旱百
姓饑殍道路相望米價翔貴是歲浙東大
稔因請出米五萬斛賤估以救浙西居人
詔下蒙允是歲王蟠不奏饑旱反怒隣境
所收以為賣已遂與王涯合計誣構罔上

奏陳米非官米足私求利及播伏誅蒙聖
恩加察姦邪罔初入浙西蘓州界吳人
以郵災之惠猶懼旌幡留戒於迴郵之處
不及城郭之所則相率拜泣於舟楫前是
歲盧周仁為蘓州刺史

臨平水竭蒹葭死里杜蕭條旅館秋嘗歎晉郊無
乞糴豈忘吳俗共分憂郵悲揚目稱嗟食林極緊
桑顧所求苛政尚存猶惕息老人偷拜擁前舟

湖竭鄉人言人有饑患
是歲中水竭魚鳥皆死

平臨

蕪川不住遙望武丘報恩兩寺

秋山古寺東西遠竹院松門帳望同
幽鳥靜時侵徑月跡煙消處滿林風
塔分朱鴈餘霞外刹對金螭落照中
官備散寮身却累往來慙謝上蓮宮

迴望館娃故宮

江雲斷續草綿連雲隔秋波樹覆煙
飄雪荻花鋪漲渚變霜楓葉卷平田
雀愁化水喧斜日鴻怨驚風叫暮天
因問館娃何所恨破吳紅臉尚開蓮

枯蕪臺雜句

臺今遺跡平蕪連接吳巖寺採香徑響屐
廊皆在寺內越書稱越王獻吳王黃金樓
楣吳王因造始蕪臺因獻楣遂以黃金盡
飾樓以破其國

越王巧破夫差國來獻黃金重雕刻西施醉舞花
艷傾妬月嬌娥恣妖惑始蕪百尺曉鋪閣樓楣盡
化黃金臺歌清管咽歡未極越師戈甲浮江來伍
胥扶目看吳滅范蠡全身霸西越寂寞千年盡古
墟蕭條兩地皆明月吳巖香徑掩禪扉秋草荒涼

徧落暉江浦迴看鷗鳥沒碧峰斜見鷺鷥飛如今
白髮星星滿却作閑官不閑散野寺經過懼悔尤
公程迫蹙悲秋館吳鄉越國舊淹留草樹煙霞昔
徧遊雲木夢迴多感歎不惟惆悵至長洲

開元寺

此寺多太湖石有峰巒竒狀者頃年多遊
寓於此及大和七年往來皆不復到寺中
石大半亦每也

十層花宇真毫相數仞峯巒閔月扉攢立宝山中
世界散周香海小輪圍坐隅咫尺窺巖壑窓外高
低辨翠微難保尔形終不轉莫令偷拂六銖衣

臯橋

伯鸞憔悴耳飄寓非向囂塵隱姓名鴻鵠羽毛終
有志素絲琴瑟自諧聲故橋秋月無家照古井寒
泉見底清猶有餘風未磨滅至今鄉里重和鳴

真娘墓

吳之妓人歌舞有名者死葬於吳武丘寺
前吳中少年從其志也墓多花草以滿其

上嘉興縣前亦有吳妓人蘓小小基風雨
之夕或聞其上有歌吹之音

一株繁艷春城盡
雙樹慈門忍草生
愁態自隨風
燭滅愛心難
逐雨花輕黛消
波月空蟾影
歌息梁塵有梵聲
還似錢塘蘓小小
抵應回首是卿卿

却到無錫望芙蓉湖

水寬山遠煙嵐迴
柳岸縈迴在碧流
清晝不風鳥雁少
却疑杳夢鏡湖秋

丹橘村邊獨火微
碧流明處雁初飛
蕭條落葉垂楊岸
隔水寥寥聞禱衣

逐波雲影參差遠
背日嵐光隱見深
猶似望中連海樹
月生湖上是山陰

舊山認得煙嵐近
湖水平鋪碧岫間
喜見雲泉還悵望
自慙山叟不歸山

翠崖幽谷分明處
倦鳥歸雲在眼前
惆悵白頭爲四老
遠隨塵土去伊川

重到惠山

再到石泉寺內有禪師鑿玄敷堂在寺南

峯下頃年與此僧同在惠山十年鑿玄在
壽春相訪因追舊歡

碧峰依舊松筠老重得經過已白頭俱是海天黃
葉信兩逢霜節菊花秋望中白鶴憐歸翼行處青
苔恨昔遊還向牕間名姓下數行添記別離愁

鑿玄歎堂

香燈寂寞網塵中煩惱身須也界空龍鉢已傾無
法雨虎林猶在有悲風定心池上浮泡沒招手巖
邊夢幻通深夜月明松子落儼然聽法侍生公

別石泉

在惠山寺松竹之下耳爽乃人間灵液清
澄鑿肌骨含漱開神慮茶得此水皆盡芳
味

素沙見底空無色青石潛流暗有聲微渡竹風溼
淅瀝細浮松月透輕明桂凝秋露添灵液茗折香
芽泛玉英應是梵宮連洞府浴池今化醒泉清

別雙温樹

往年於惠山書房前手植今已喬柯數尋

千雲葱翠蔭日此樹移過江多死有類丹
橘

翠條盈尺憐孤秀植向西牕待月軒輕剪綠榮秋
葉暗密扶纖榦萋陰繁故山手植空懷想溫室心
知不敢言看尔拂雲今得地莫隨陵谷改深根

重別西湖

東去日前別湖中双鷓鴣翡翠早梅等三
題及西來則鷓鴣翡翠悉皆翔失梅衰秋
葉重起前歎耳

浦邊梅葉看凋落波上双禽去寂寥吹管曲傳花
易失織文機學羽難飄雪欺春早摧芳萼隼勵秋
深拂翠翹繁艷彩毛無處所画成愁歎別鷓鴣橋

昆陵東山

東山在昆陵驛南連水西館々即獨孤及
在郡所置荒廢已久至孟公簡重修植以
花水松竹等可翫孟公在郡日余以校書
節從役同宴於此今則荒廢仍舊

昔人別館淹留處卜築東山學謝家叢桂半空摧

枳棘由池平盡隔煙霞重開漁浦連天日更種春
園滿地花依旧秋風還寂寞數行衰柳宿啼鴉

建元寺

寺在常州東郭松扉竹院名在岡阜地甚
踈通接郊外每歲寒食里人灑掃經過之
所大曆中詩人郭雲曾賦寒食詩贈吏部
先兄詩云蘭陵士女滿晴川郊外紛紛拜
古埏萬井人家初禁火九原松柏自生煙
人間後事非前事鏡裡今年老去年介子

終知祿不及王孫誰復更相憐當時以為
絕唱嘗在童兒即聞此詩非欲繼和益紀
事因書

江城物候傷心地遠寺經過禁火辰芳草擁邊迴
首客野花叢裏斷腸人紫荆繁艷空門畫紅藥深
開古殿春歎息光陰催白髮莫悲風月獨沾巾

却到金陵登北固亭

龍形江影隔雲深虎勢山光入浪沉潮感海風驅
萬里日浮天整洞千尋衆峰作限橫空碧一柱中

維微金還叱檝師看五兩莫令辜負濟川心

望鶴林寺

仍歲往來牽迫皆不得往元和初在故度
支尚書兄賓府多因閑暇經遊此寺之內
有木蘭杜鵑繁茂人言至今猶未衰歇
鶴栖峰下青蓮宇花發江城世界春紅照日高殷
奪火紫凝霞暘瑩銷塵每思載酒悲前事欲問題
詩思舊身自歎秋風勞物役白頭拘束一閑人

宿瓜州

煙昏水郭津亭晚回望金陵若動搖衝浦迴風翻
宿浪照沙低月欹殘潮柳經寒露看蕭索人改衰
容自寂寥官冷舊語唯旅館歲陰輕薄是涼颿

入揚州郭

潮水舊通揚州郭內大曆已後潮信不通
李傾詩鷓鴣山頭片雨晴揚州郭裡見潮
生此可以驗

菊芳沙渚殘花少柳暹秋風墜葉踈堤繞門津喧
井市路交村陌混樵漁畏衛生客呼童僕欲指潮

痕問里問非爲掩身羞白髮自緣多病喜有與

宿揚州館

舟依淺岬參差合橋映晴虹上下連輕櫂過時搖
水月遠燈繁處隔秋煙却思海嶠還悽歎近涉江
濤更凜然閑凭欄于指星漢尚疑軒蓋在樓船

州中小飲便別牛相

笙歌罷曲辭賓侶庭竹移陰就小齋愁不解顏徒
滿酌病非傷肺爲憂懷恥矜學步貽身患豈慕醒
狂躡槁階從此別離長酩酊洛陽狂狷任推埋

却過淮陰吊韓信廟

功高自弃漢元臣遺廟陰森楚水濱英主任賢增
虎翼假王徵福犯龍鱗賤能忍耻早在少貴乏懷
忠近佞人徒用千金酬一飯不知明哲重防身

却入泗口

洪河一汎清淮接堤草蘆花萬里秋煙樹寂寥分
楚澤海雲明滅滿揚州望深江漢連天遠思起鄉
閭滿眼愁惆悵路岐真此處夕陽西沒水東流

重入洛陽東門

商顏重命伊川叟時事知非入浴人連郵碧流通
御苑滿堦秋草過天津每慚清秩容衰齒猶有華
簪寄病身驅馬獨歸尋里巷日斜行處舊紅塵

拜三川守

開成元年三月二十五日蒙恩除河南尹
四月六日詔下洛陽是月自春不雨已踰
六旬此日謝恩未詣公府馳禱龍祠止九
日大降膏澤連霖溢日時苗頓茂又里巷
比多惡少皆免帽散衣聚為群鬪或差肩

追繞擊大毬里言謂之打棍諸論去庶苦
之車馬逢者不敢前都城為患日久詔下
之日此輩皆失所在却歸負販之業閭里
間無復前患

恭承寵詔臨伊洛靜守朝章化比閭風變市兒驚
偃草雨清郊藪謬隨車改張琴瑟移膠柱止息笙
篁辨魯魚唯有從容期一聽使齊文教奉皇居

慶雲見

庚六月准詔祭中嶽宿少林寺祭畢歸寺

有慶雲見於峰初如絳綃蒙覆上下巖樹
透徹虛明照日俄頃諸崖谷間盡祥雲紛
郁綿布自午至未不散

禮成中嶽陳金冊祥報卿雲冠玉峯輕未透林疑
待鳳細非行雨詎從龍卷風變彩霏微薄照日籠
光映隱重還入九霄成沈澹夕嵐生處鶴歸松

靈蛇見少林寺

二大松上有青蛇不知所自下馬之際忽
墜于地盤結異狀若紫組綬青光燄射逼

之不怒問其寺僧云嘗見因令祝以箱
奩引之遂逶迤就器送寺外倏忽如失之
瑣文結綬灵蛇降蟻屈螭盤顧視閑鱗蹠翠光抽
璀璨腴連金彩動鸞環已應蛻骨風雷後豈効銜
珠草莽間知爾全身護崑閩不矜揮尾在常山
拜宣武軍節度使

開成元年六月二十六日制授宣武軍節
度使七月三日中使劉泰押送旌節止洛
陽五月赴鎮出都門城內少長士女相送

者數萬人至白馬寺滌江當車者不可止
少尹嚴元容鞭笞吏市人怒其戀慕留臺
御史杜牧使臺吏遮歐百姓令其廢祖帳
油幢並入虎旗開錦橐從天鳳詔來星應魏師新
鼓角地嫌梁苑舊池臺日暉紅旆分如電人擁青
門動若雷伊洛鏡清迴首處是非紛雜任塵埃
到宣武三十韻

七月十二日到汴州是月鄭汴間不雨已
餘月秋苗已悴十日至圃田天雨已餘至

十二月朝旨秋稼頗茂軍禮亦成矣

七月趨梁苑三謝尹京舊風除物蠹新律奉師
貞龍節双油重蛇矛百練明躍魚連後旆騰虎耀
前旌路轉金神並川開鐵馬橫擁旌差白羽分轡
引紅纓在浚風煙接維嵩鞏洛雲貫魚奔駢疾連
雁卷行輕煙壘風調角秋原雨洗兵宿雲看布甲
踈柳見分營鼓徹通霄警和門候曉晴虎將三校
列魚曹萬夫迎弄馬猿猱健奔車角觝呈駕有傍
隘道張幕內連楹森戟承三令攢戈退一聲及郊

知雨過觀俗辨風行望宋憐思女遊梁念客卿義
夫留感激公子播英名澤廣豚魚洽恩宣豈第生
善師忘仕智中略在推誠式宴歌鍾合陳筵綺繡
并戲輦千卒躍均酒百壺傾樂與師徒共歡從井
邑盈數通因漸深人悅尚和平投鉞慙分閫登壇
荷列城虛裘朝獨坐雄劍夜孤鳴白髮侵霜變丹
心捧日驚衛青終保志潘岳未忘情期月終迷化
三年詎有成惟看波海動天外斬長鯨

字公岳亳州人與李文饒元微之齊名人號元

和三俊為人短小似短李其平生歷官及遷
滴畧見本序或謂其歸志矜能夸榮殉勢益
知子陵元亮為千古高人猶紀遊述憶俯仰感
慨一洗唐人小賦柔靡風氣云湖南毛晉識





